



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De industriis ac studiosis: & quòd vtile sit labores ferre. cap. ciii.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)



N SVDORE vultus tui vesceris pane tuo. *Gen. 3.*
 Ex cura & sollicitudine orietur tibi pax.
 Exhibet homo ad opus suum: & ad operationem suam vs- *Psal. 103.*
 que ad vesperam. Labores manuum tuarum manducabis: *127.*
 beatus es, & bene tibi erit.

B plantat ficum, comedet fructus eius. Manus strenuorum diuitias colligunt.
 Qui congregat sibi cum pietate, multiplicabitur: Manum suam milit ad *31.*
 fortia: & digiti eius apprehenderunt fenum. Roborauit brachium suum, & gusta-
 uit, quod bona est negotiatio.

Operamini cibum vestrum ante tempus: & dabit vobis mercedem in tempo- *Ecl. 5.*
 re suo. Melior est qui operatur, & abundat in omnibus, quam qui gloriatur, & *10.*
 eget pane. In omnibus operibus tuis esto sollicitus. In omnibus operibus *31.*
 tuis expergiscere, nec deses sis.

Homo quidam peregrè proficiscens, vocauit seruos suos, & tradidit illis bona *Mat. 25.*
 sua: & vni quidem dedit quinque talenta, &c.

C Ipsi scitis, quoniam ad ea, quæ mihi opus erant, & his qui mecum sunt, mini- *Act. 20.*
 strauerunt manus istæ. Omnia ostendi vobis, quoniam sic laborantes, oportet fu-
 scipere infirmos, ac meminisse verbi Domini Iesu, quoniam ipse dixit, Beatius est
 magis dare, quam accipere.

Quidnam bonorum in procliu est? Quisnam dormiens trophæum erexit? Quisnam lu- Basilij.
xui studens, ac tibi arum cantu delinitus, patientiæ coronis ornatus est? Nemo vnquam, qui Excitatio
non cucurrerit, palmam abstulit. Labores gloriæ gignunt: arumque coronas conciliant. ad pium
Demus operam, vt eum, qui salutis vias nobis obsepit, prudentia & sagacitate superemus. laborens.
Ille segnitiam nobis ingenerat: nos ad opus exurgamus. Ille inanibus promissis corda nostra
ludificatur: nos ipsius consilia ne ignoremus. An non enim hoc nobis in animum immittit,
vt peccatum hodierno die perpetremus, in crastinum autem iustitiæ opera reiiciamus?

D *vt peccatum hodierno die perpetremus, in crastinum autem iustitiæ opera reiiciamus?*
 Labores diuturna consuetudine culti, exercitatis hominibus minus graues ac molesti
 accidunt.

Laboribus sanitas, & sudoribus salus comparatur.
Si carnis labores fugiamus, iustorum bona non cernemus. Chryf.
Paulum laboris subeamus, viri charissimi: ne sempiternis bonis excidamus.
Ad breue quoddam tempus durat labor: & in seculum seculi requies se porrigit.
Vbi maior est labor, illic quoque maior voluptas.
Qui mente præditus est, labores adire minime cunctatur, propter eos fructus, qui ex la-

E *boribus oriuntur.*
Vbi que per difficultates ac labores ea, quæ commoda sunt hominibus, comparari solent.
Labores nusquam non bona suppeditant.
Non dormientium, ac molliter & ignauè viuentium est regnum Dei: sed violenti ra- Clemen.
piunt illud. Hoc enim duntaxat violenti & genus honestum ac præclarum est, nempe à Deo Mat. II.
vitam extorquere. Ipse autem eos noscens, qui arctè, vel, vt aptiori vocabulo utar, vio-
lenter stringunt, concedit, ac manus dat. Ad hunc enim modum superari gaudet.
Præposterum est honores consecrari, ac labores, quibus honores comparari solent, de- Euagrj.
 fugere.

De imperij ac principatus amore: & quod temerè ad imperia & digni-
 tates prosilire non oporteat. CAP. CIIII.